



ODRED IZVIĐAČA IGMAN 92 ILIDŽA
organizuje

I Z V I Đ A Č K E
MAJSKE
IGRE 2024

Ilidža, 25.-26.5.2024.

O Ilidži

Ilidža je zapadno predgrađe Sarajeva, glavnog grada Bosne i Hercegovine koji se nalazi u središnjem dijelu zemlje. Ilidža je najstarije naseljeno područje Sarajeva, sa butmirskom neolitskom kulturom, bogato prirodnim ljepotama, a s ostalim dijelovima grada povezano tramvajem i autocestom.

Ilidža (tur. Iladž – lijek) je rekreacijski centar i poznato sarajevsko izletišta, ali i banjsko i klimatološko lječilište, još od doba Rimljana, čemu svjedoči antičko naselje koje se razvilo uz ljekovita sumporna vrela. Locirana je u podnožju planine Igman, u zelenom, vodom i šumom obilatom pejzažu

O nama

U ilidžanskom naselju Hrasnica prve izviđačke marame zalepršale su se davne 1958. godine, od kada izviđači polahko ulaze u pore Hrasnice i do danas ostaju najmasovnija organizacija mladih. Odred je u svom razvoju prolazio mnoga iskušenja, uspone i padove, ali je uvijek uspio pobjediti izviđački duh, nešto poznato vjerovatno samo nama izviđačima.

U bivšoj državi odred je nosio naziv „Đuro Salaj“, te je u više navrata proglašen „Partizanskim odredom“, a naše čete „Partizanskim četama“. U tom periodu, od značajnijih nagrada postali smo nosioci priznanja Zlatni javorov list, Šestoaprilske nagrade za omladinska udruženja grada Sarajeva, te Zlatne plakete općine Ilidža. S ponosom ističemo da je kroz odred prošlo više hiljada mladih ljudi.

U novijoj historiji ističemo značajnu saradnju sa lokalnom zajednicom, kao punopravni i aktivni članovi Civilne zaštite naše općine sa naša tri tima izviđačkih specijalista. Ponosni smo i na saradnju sa našim bratskim odredima iz svih bivših republika, a od značajnijih uspjeha ističemo titulu prvaka Federacije sa posljednjeg održanog Federalnog višeboja, kao i nagradu za najbolji odred na posljednjoj saveznoj smotri 2011. godine. Viteškim odredom proglašeni smo 2017. i 2023. godine.

Naše međunarodno takmičenje „Izviđačke Majske igre“ organizujemo od 1996. godine, te vas kako ste i navikli i ove godine očekuje mnoštvo noviteta i iznenađenja.

Dobro nam došli!

Opći uslovi takmičenja

Ekipe se sastoje od 4 člana i **slobodnog** su sastava.

Starosna kategorija takmičenja je **15-19** godina. Dozvoljeno je učešće takmičarima koji u 2024. godini pune 15, ili su već napunili 19 godina (rođeni između 2005. i 2009.). Ukoliko u ekipi bude članova starijih od 19 godina, ekipa se takmiči van konkurencije. Starost takmičara će Takmičarska komisija utvrđivati na osnovu nekih od važećih dokumenata (lična karta, vozačka dozvola, zdravstvena knjižica).

Ekipe su dužne doći na lldžu **najkasnije** do 09:00h 25.5.2024. godine. Otvaranje takmičenja je na centralnom trgu na lldži.

Predzadatak

Ekipa treba da sastavi kratku izviđačku pjesmu, ne kraću od tri strofe. Za predaju predzadatka ekipa dobija 20 bodova, a za dodatnih 30 ocjenjivat ćemo maštovitost, opšti dojam i originalnost.

Zadaci na stazi

1. Pronalazak KS na karti.....nx20b
2. Pronalazak KS na terenu.....nx80b
3. Kroki KS.....150b
4. Profil terena.....100b
5. Dnevnik pređenog puta150b
6. Zaobiđi prepreke i ucrtaj put..... 60b
7. Signalizacija Semafor 90b
8. Testovi (izviđačka org., PP, topo test) 75b
9. Prva pomoć praktično100b
10. Morze.....100b
11. Čvorovi100b
12. Paljenje vatre.....100b
13. Brzinski prelazak staze100b
14. Pionirstvo – izrada taborskih objekata.....100b
15. Poznavanje biljaka100b

Objašnjenje zadataka

Zadaci će biti bodovani u skladu sa važećim Pravilnikom o takmičenjima Saveza izviđača Federacije BiH.

Svaki minut kašnjenja nosi 2 negativna boda.

Prije proglašenja pobjednika bit će održan uvid u radove i način ocjenjivanja, te će ekipe dobiti natrag svoje radove zajedno sa etalonima.

Obavezna oprema

Lična i kolektivna oprema se ne boduje, ali ekipa je dužna posjedovati navedenu opremu, jer u protivnom neće dobiti odobrenje TK za učešće.

Lična oprema:

1. Uniforma i marama po Pravilniku o uniformama i oznakama SIFBiH-a
2. Odgovarajuća obuća za duže pješaćenje
3. Posuda za vodu zapremine od najmanje 0,5l
4. Kišna kabanica
5. Ispravna baterijska lampa,
6. Vreća za spavanje
7. Pribor za ličnu higijenu
8. Izviđačka i zdravstvena knjižica

Kolektivna oprema:

1. Komplet za pružanje prve pomoći
2. Kompas/busola
3. Par signalnih zastavica
4. Pištaljka
5. Pribor za crtanje i pisanje
6. Mobitel sa pristupom internetu
7. Dva markera (fluorescentni prsluci žute boje sa reflektivnim trakama ili fluorescentne trake za oko pojasa)
8. Dvije kutije šibica ili upaljač
9. Dva ruksaka
10. Šator(i) za smještaj cijele patrole

Satnica takmičenja

Subota, 25.5.2024.

do 09:00	Dolazak ekipa
9:00 – 9:45	Prijava ekipa
09:45 – 10:00	Priprema za otvaranje takmičenja
10:00 – 10:30	Svečano otvaranje takmičenja
11:00 – 18:00	Staza (ručak za takmičare u toku staze)
13:30 – 14:30	Ručak za goste
18:00 – 19:00	Zadatak „Pionirstvo“, podizanje kampa
19:00 – 20:00	Večera
20:00 – 00:00	KZP i druženje
00:00	Povečerje

Nedjelja, 26.5.2024.

08:00	Ustajanje
08:00 – 08:30	Jutarnja higijena i priprema za doručak
08:30 – 09:30	Doručak
09:30 – 10:00	Pakovanje opreme i spremanje za zatvaranje takmičenja
10:00 – 11:00	Uvid u radove
11:00	Svečano zatvaranje takmičenja i dodjela pehara

Za ekipe iz udaljenih mjesta postoji mogućnost dolaska u petak, 24.5. uz dogovor sa organizatorom. **U slučaju loših vremenskih uvjeta, obezbjeđeno je noćenje u čvrstom objektu!**

Strogo je zabranjena upotreba opojnih sredstava u krugu kampa. Molimo vas da se, u izviđačkom duhu, pridržavate svih navedenih uputa propozicija takmičenja, ali i kontrolora na samom takmičenju.

Svako nedolično ponašanje biće kažnjeno sa oduzimanjem bodova ili eventualnom diskvalifikacijom.

Organizator zadržava prava izmjene propozicija, u slučaju nepredviđenih okolnosti.

Prijave

Ispunjene prijavne obrasce iz priloga slati na:

Mail adresa: izvidjackemajskeigre@gmail.com

Za sva ostala pitanja i dodatne informacije kontaktirajte organizatora:

Starješina takmičenja: Eldin Belko	+38761655583
Načelnik takmičenja: Amer Jašar	+38762582560
Predsjednica TK: Adna Maslo	+38766317532
Sekretar takmičenja: Ajla Serdarević	+387603422299

Prijave slati najkasnije do 20.5.2024. godine do 20h. Ekipe koje ispoštuju zadani rok, bit će nagrađene sa 50 bodova. Ukoliko uz ekipe i vođe puta ostaju na noćenju, molimo Vas da naglasite u prijavi!

Radujemo se Vašem dolasku na „Izviđačke majske igre 2024“ i očekujemo Vas!

IZVIĐAČKI POZDRAV!